

KESUWA jayakan program Sekolahku Universitiku KPM

UB 21-11-2019 15

KOTA MARUDU: Kelab Sukarelawan Siswa (KESUWA) Universiti Malaysia Sabah (UMS) menjayakan program Sekolahku Universitiku anjuran Jabatan Hal Ehwal Pelajar UMS yang diadakan pada 15 hingga 17 November 2019 bertempat di SK. Popok, Kota Marudu.

Program ini melibatkan seramai 19 orang sukarelawan daripada UMS dan turut dibantu oleh sukarelawan dari Yayasan Sukarelawan Siswa YSS Malaysia yang terdiri daripada wakil UA dan IPTS seramai 15 orang.

Program Sekolahku Universitiku KPM adalah salah satu usaha untuk menggalakkan mahasiswa universiti untuk membantu menambah baik fasiliti dan pembangunan akademik di sekolah-sekolah yang terpilih mengikut bidang dan keupayaan masing-masing

(KPM, 2019).

Bagi negeri Sabah, Universiti Malaysia Sabah (UMS) memilih SK. Popok, Kota Marudu, dan SK. Bangau, Kudat untuk melaksanakan program Sekolahku Universitiku KPM sekaligus menjadikan kedua-dua sekolah berkenaan sebagai sekolah angkat UMS.

Untuk makluman, pada 4-8 Oktober 2019, KESUWA turut berjaya melaksanakan Program Sekolahku Universitiku KPM di SK Bangau, Kudat yang melibatkan seramai 21 sukarelawan terdiri daripada mahasiswa UMS.

Di samping itu, tujuan program ini dilaksanakan adalah untuk mendekati mahasiswa UMS dengan komuniti dan mengaplikasikan kreativiti mahasiswa melalui pelaksanaan program-program sukarelawan yang dilaksanakan.

Program Sekolahku

Universitiku KPM yang diadakan di SK. Popok, Kota Marudu kali ini adalah memfokuskan kepada pembinaan sebuah perpustakaan mini, mengecat dinding bangunan sekolah serta melukis mural di dinding sekolah.

Pada 17 November, Majlis pelancaran Program Sekolahku Universitiku KPM SK. Popok diadakan dan dirasmikan oleh Timbalan Pegawai Pendidikan Daerah Kota Marudu, Sektor Pembelajaran Sanaleh Daud.

Turut hadir Guru Besar SK. Popok Basil Jamuda, YDP PIBG SK. Popok Kasilen Masadang dan Mohd. Jamal Bin Atong sebagai wakil HEP UMS merangkap pegawai penyelaras KESUWA.

Guru-guru, ibu bapa, mahasiswa UMS serta pelajar-pelajar SK. Popok juga hadir dalam majlis itu.



GAMBAR KENANGAN: Sukarelawan UMS dan Yayasan Sukarelawan Siswa merakamkan gambar kenangan bersama.



SUKARELAWAN: Sesi bergambar bersama semua pelajar SK Popok, Kota Marudu.